



Inatsisartunut ilaasortaq,
Jens Frederik Nielsen, Demokraatit

§ 37 naapertorlugu apeqqummut nr. 1/2024-mut akissuteqaat

Inatsisartut suleriaasissaanni § 37 imm. 1 malillugu aalisarnermut inatsisissatut siunnersuut, maanna tusarniaassutigineqartoq pillugu Naalakkersuisunut apeqqutinik saqqummiussaqaqputit. Apeqqutit uannit akineqartussanngorlugit innersuunneqarnikuupput.

Ulloq: 22-01-2024
Suliap normua: 2024 - 481
All. nr. 23767769
Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Apeqqutit katillugit arfineq-pingasut pineqarput, apeqqutillu ilaat arlalinnik apeqqutitaqarlutik, taakkulu immikkut tamarmik akissuteqarfingineqassapput.

- 1. Aalisarnermut inatsisissatut siunnersuummut maanna tusarniaavigineqartumut suliffeqarfiit ingerlatseqatigiiffiillu sorliit ilisimasassanik tunniussaqaqareerpat?**
 - a. Siunnersuusiami allaqqasussanik suliaqarnermi nassuiaatinut ilaalu ilanngullugit Aalisarnermut Naalakkersuisoqarfimmi atorfilittat avataasigut allat peqataasimappat?**

Akissut:

Inatsisissatut siunnersuummik nassuiaatinillu suliaqarnermut atatillugu Aalisarnerq pillugu Ataatsimiititaliarsuup isumaliutissiissutaa 2021-mi Naalakkersuisunut tunniunneqartoq tunngavigineqarpoq. Inatsisissamik piareersaalluni suliaqarnermi aamma Naalakkersuisoq isumasioqatigiissitsisimavoq, nunami tamarmi najukkani politikerit inuussutissarsiuteqartullu aamma aalisartut immikkut ataatsimeeqatigisimavai, soqutigisaqartut kissaataat periarfissaallu pillugit oqaloqatigisimavai. Isumaliutissiissummut aamma inatsisissatut siunnersuummik suliaqarnermut paasissutissatut ilaatigut tunngavigineqarlutillu annertuumik atorneqarsimapput ataatsimiititaliarsuup misissueqqissaarsimaneranit aamma aalisarnermik inuussutissarsiuteqartut namminneq nalunaarutaannit pissarsiarineqartut. Tassunga atatillugu oqaatigineqassaaq, aalisarnermik inuussutissarsiuteqartut Aalisarnerq pillugu Ataatsimiititaliarsuup suliaqarneranut peqataatinneqarsimanerat, ataatsimiititaliarsuullu sulineranut atatillugu atortunik saqqummiunneqartunik suliarineqartunillu tamanik pissarsisinnaasimanerat.

Siunnersuut atorfilittannit suliarineqarpoq.

- 2. Nunatsinni aalisarnerq sapinngisaq tamaat ingerlalluarlunilu isaatitsilluassasoq pillugu Naalakkersuisut Demokraatinut isumaqataanerlutik? a. Inatsisissap aalisarnermut ingerlalluartumut**

isaatitsilluartumullu aalisarnermut inatsisissap qanoq siuarsaanissaa Naalakkersuisut qanoq isumaqarfigaat?

Akissut:

Aalisarneq pillugu inatsisissatut siunnersuusiordermi politikikkut isumaqatigiissut tunngavigineqarpoq. Isumaqatigiissummut tassunga ilaatinneqarpoq, uumassuseqarnikkut aningaasarsiornikkullu piujuartitsinissaq pillugu tunngaviit inatsisiliordermi tunngavigineqarnissaat.

Aningaasarsiornikkut piujuartitsinissaq pillugu tunngavik arlalinnik suliniuteqarnissamut tunngaviliisimavoq, suliniutillu taakku siunnersuummi qitiutinneqarput naatsorsuutigineqarlunilu sunniuteqarnerusumik aningaasarsiorluarnerusumillu aalisartoqalernissaanik nassataqassasoq. Tassunga atatillugu assersuutitut taaneqarsinnaapput, avataasiorluni qaleralinniordermi, assagiarsunniordermi aamma aqutsiveqarfik 47-mi sinerissammut qanittumi qaleralinniordermi, piumasunut, pisassiissutinik niuerutigineqarsinnaasunik nammineq pigisanik atuutsitsilerneq kiisalu raajarniartut tamarmik pisassiissutimik 75%-ii angullugit tunisassiordernissamut periarfissaqalersinneqarnerat, periarfissaq tamanna maannakkorpiaq avataasiorluni aalisartunut kisimi atuuppoq.

3. Aalisarnermut inatsisissaq ilusimisut akuerineqassagaluarpat Polar Seafood Greenland pisassiissutinik annertuunik annaasaqartussaavoq. Matumani suliffeqarfimmut inuiaqatigiinnullu kingunissaanut sunniutissaanullu tunngasunik Naalakkersuisut Polar Seafood Greenland kisitsisinik aallerfiginikuunerlunikkut? a. Taamaangippat; soq taamaaliortoqangila?

Akissut:

Aalisarneq pillugu inatsisissatut siunnersuut aalajangersakkanik, PNNP-mik aaqqissuussani pineqartunik, tassa aalisarnermi piginnittut siammarternissaanik kaammattuisunik imaqarpoq. Tassunga atatillugu piumasaqaat aalajangiisuusoq tassaavoq, naammassisaqarsinnaassutsip aamma pisuussutinut erniaritinneqartup ajorseriarsinnaanerisa pinngitsoortinneqarnissaat imaluunniit annikinnerutinneqarnissaat. Misissueqqissaarsimanagerit uppersarsarpat, angallatit pisinnaasalluunniit amerlanerulernerisigut siunertarineqangitsutut pisinnaasat annaaneqartartut, taamaammallu suliniutit pineqartut taamatut ajorseriartitsisussaajunnaarlugit ilusilersorneqarsimapput.

Siunnersuutitigut umiarsuaatileqatigiit pisassiissutinut qummut killiliussassatut siunnersuutigineqartoq sinnerlugu pisassiissutinik pigisaqartut pisassiissutiminnik tunisaqarnissamut periarfissinneqarput, aammalu periarfissaalluni naleqqussaaniclut ingerlatseqatigiiffiit aktiaatiminnik ingerlatseqatigiiffinnut allanut tunisaqartarnissaat. Umiarsuaatileqatigiiffilli tamanna nammineq aalajangissavaa.

Inatsisissatut siunnersuummut nassuiaatini aningaasaqarnikkut kinguneqaatissanut tunngassuteqartoq, inuussutissarsiuteqartunut pisortanullu ataatsimut kinguneqaatissaanik nassuiaanissamik siunertaqarpoq. Ingerlatseqatigiiffiit inuinnarnit pigineqartut ataasiakkaat kinguneqaatissaanik misissuinissamik suliaqarnissamut ilaangillat.

- 4. Royal Greenland A/S inatsisissatut siunnersuummi suliniutissanut arlariinnut ilanngunneqarsimangilaq. Matumani suna tunngaviua? a. Inatsisissatut siunnersuummi suliffeqarfiit allat pinnagit Royal Greenland A/S pitsaaqutissanik tuniorarneqarsimavoq. Matumani suna tunngaviua?**

Akissut:

Royal Greenland A/S ilisimaneqartutut Nunatsinni inuiaqatigiinnit tamanit pigineqarpoq. Taamaammat aalisarnermi piginnittut siammarterneqarnissaannik kissaateqarnermut naapertuutinnigilaq, pisassiissutit inuiaqatigiinnit pigineqartut ingerlatseqatigiiffinnut inunnulluunniit ataasiakkaanut tunniunneqarnissaat. Ilangullugu Royal Greenland inuiaqatigiinnit tamanit pigineqartutut immikkut piumasaqarfigineqartarpoq – siunissamilu aamma piumasaqarfigineqarsinnaassalluni.

- 5. Royal Greenland A/S pisortat aningaasaqarnerannut ilaaginnartussatut Naalakkersuisut isiginerlunikku? a. Inatsisissatut siunnersuummi arlaleriartumik “pisortat” aammalu/imaluunniit “pisortat aningaasaqarnerat” eqqaaneqarpoq, Royal Greenland A/S Namminersorlutik Oqartussallu innersuussutigalugit. Sooq kommuunit aningaasaqarnerat ernumassutinut eqqarsaatersuutigineqartunullu ilanngunneqarsimangillat?**

Akissut:

Royal Greenland A/S 100% -imik Namminersorlutik Oqartussat ingerlatseqatigiiffiutigaat, sinneqartoorutiminik pisortat aningaasaqarnerannut annerusumik annikinnerusumilluunniit agguaassisartoq. Agguaassineq Namminersorlutik Oqartussanut piginnittumut pissarsiatut isigineqarpoq.

Kommunit aningaasaqarnerat pisortat aningaasaqarnikkut kinguneqaatissaannik nalilersuinermut ilaatinneqartarput.

- 6. Aalisarnermut inatsisissatut siunnersuusiornissamut sulinermi Aalisarnermut isumalioqatigiissitarsuup kisitsisaataat misissuisimanerallu Naalakkersuisunit qanoq tunngavigineqartiginipat?**

Akissut:

Apeqqummut 1-imut akissut innersuussutigineqarpoq.

- 7. Inatsisissatut siunnersuut utoqqalinersiassanut aningaasaateqarfiit nunatsinneersut pisassiissutinik aningaasaliisinnaanissaanut pigisaqarsinnaanissaannullu ammaassissooq. Matumani utoqqalinersiassanut aningaasaateqarfiit piginnaasaat taamatuttaarlu utoqqalinersiassanut aningaasaateqarfiit aningaasanik pisariaqartinneqartunik ilumut pigisaqarsinnaanersut pillugit Naalakkersuisut misissuisimanerlutik?**

Akissut:

Siuliani oqaatigineqareersutut aalisarnermi piginnittuunerup siammarterneqarnissaa kissaatigineqarpoq. Tassunga atatillugu utoqqalinersiassanut aningaasaateqarfiit aalisarnermik ingerlatseqatigiiffinnut aningaasaliissuteqarnissamut periarfissaqarnerat ilanngunneqarpoq. Naalakkersuisoq atorfilittallu tassunga atatillugu aalisarnermut attuumassuteqartunik ataatsimeeqateqarsimapput, ataatsimeeqatigiinnerillu taakkua tunngavigalugit periarfissap atorneqarsinnaanera piviusorsiorlunilu ilimanarluinnarpoq.

8. Naalakkersuisut suliamut tunngasunik paasissutissanik allanik paasissutissiisinnaappat?

Akissut:

Naami.

Inussiarnersumik inuulluaqqusillunga



Kim Kielsen
Aalisarnermut Piniarnermullu Naalakkersuisoq